



PITSO YA HO THONYA DITHO TSA MEIFO YA NAHA YA DIPUO (NLBs)

Lekgotla la Dipuo Tsohle tsa Afrika Borwa (PanSALB) le mema ditho tsa setjhaba le ditheo tse nang le kgahleho dipuong ho thonya batho ba kgethelwang ho ba ditho tsa Meifo ya Naha ya Dipuo (NLBs) ya PanSALB ya dipuo tse leshome le motso o le mong tsa mmuso (Sepedi/Sesotho sa Leboa, Sesotho, Setswana, Siswati, Tshivenda, Xitsonga, Afrikaans, English, isiNdebele, isiXhosa, isiZulu), Dipuo tsa Khoi, Nama le San, le Puo ya Matsoho (SASL).

Moifo wa Naha wa Puo ka mong o sebetse ho ya ka Karolo 8 (8) (b) ya Molao wa Lekgotla la Dipuo dipuo tsohle tsa Afrika Borwa (Molao 59 wa 1995), jwalo ka ha o ile wa lokiswa, le Ditlwaelo le Melao ya Meifo ya Puo ya Naha (Tsebisu ya Boto ya 94 ya 2005).

Ditho e tla ba tsa nakwana nakong ya dilemo tse hlano ho tloha nakong ya tshebetso. Ha ho na moputso jwalo ka ha mosebetsi ona o nkuwa e le mosebetsi wa ho thusa setjhaba. PanSALB e tla jara ditjeo tsa maeto le maroko a ditho tsa di NLB tse boletsweng.

Batho ba kgethuweng ba tlamehile ho kgotsofatsa dipehelo tse latelang:

- Puo e be ya letswele kapa e sebediswang ke mothongwa;
- Ba be le tjheseho le boitlamo, mme ba kenye letsoho, tlhabolong le tshebedisong ya puo e amehang;
- Ba be le boitsebelo le tsebo e phethahetseng ya puo e amehang le boiphihlelo ho tse ding tsa dikarolo tsena: Maemo a Puo, Tlhabollo ya Mareo, Leksikhografi, Bongodi le Metjha ya ditaba, Phetolelo le Botoloki, mmoho le Puo Thutong.

Dithonyo di ngolwe fatshe mme di kenyelletse tse latelang pele di fetisetwa ho rona:

- Sehloho, mabitso a felletseng, aterese (ya ntlo le ya poso) le dintlha tsa mothongwa, ya thonyang le ya dumelang, le maqephe a mabedi a boithaloso (CV) ba mothongwa. CV e tlameha ho kenyelletsa mabitso a felletseng a mothongwa, nomoro ya boitsebiso le bong, aterese, lebitso la provensi, dinomoro tsa mohala, nomoro ya fekse le aterese ya imeile (haeba e le teng), le tlhaloso ya boiphihlelo ba hao, tsebo le bokgoni.
- Dikhophi tse netefaditsweng tsa bukana ya boitsebiso, mangolo a thuto le a mosebetsi a mothongwa.
- Dintlha tse ding tse ka tshehetsang, ho kenyelletsa mabitso le diaterese tsa dipaki tse pedi bonyane.
- Diforomo tse tlatsitsweng mme di tekennwe / saennwe tsa mothonyi, ya mo tlatsang le ya thonngwang /mothongwa.

Tshebetso ya ho thonya e keke ya phethahala ha tsena tse ka hodimo di sa kenyelletswa kaofela.

Bakeng sa lesedi le felletseng ka tsamaiso le dipehelo, ka kopo etela websaete ya PanSALB ho www.pansalb.org kapa o ka ikopanya le:

Mof. S.A. Netshiheni
Mohala : (012) 341 9638
Fekse : (012) 341 5938
Imeile : angie@pansalb

Dithonyo di fetisetswe ho:

Mohlanka ya ka Sehloohong wa Phethahatso
Ho: Motsamaisi wa Yuniti ya di NLB
Lekgotla la Dipuo Tsohle tsa Afrika Borwa

Ka poso ho:

Private Bag X08
Arcadia
0007

Ka letsoho:

5th Floor, Provisus Building
523 Stanza Bopape Street
Arcadia
0083

Letsatsi la ho kwala: 28 Phato 2017

Ka kopo hlokomela hore dikopo tse feksitsweng kapa tse rometsweng ka imeile ha di no amohelwa